

جریدہ علیہ

مشيخت جليلہ اسلاميہ نك جريدہ رسميه سيدر

۱۵ شعبان المعظم سنہ ۱۳۳۸

عدد ۵۹

اون بش کونده بر نشر اولنور

شنبی سنہ

فتواخانه عالییه وقوعبولان مراجعت رسمیه اوزرینه اعطا اولونان

اجوبه شرعیه

علی فکری امضاسیله ۳۱ جمادی الاخر ۳۳۷ تاریخنده فتواخانهیه بالورود کفارک مجرد داراسلامه دخولی حسیله دار مذکورک دارحرب حکمنی آلوب المیهجنه دائر واقع اولان سؤاله جوابدر .

§ کفارک مجرد داراسلامه دخولی حسیله دار مذکورک دار حرب حکمنی اکتساب ائیمه جکنی بیاتیه اعاده قلندی .
جمادی الاول ۳۳۷

* *

جیحان مقتیلکندن ۹ مارت ۳۳۵ تاریخنده فتواخانهیه بالورود تولیق اولاده مشروطه اولان بروقنک متولیسسی زیدک خیاتی ثابت اولغله قبل شرعدن عزل ویرینه عمرو نصب وتعیین ایدیلهرک برمدت ایغای وظیفه ایتد کدنصکره عمروک دخی بلاولدو وقوع وفاتنه مبنی انحلال ایدن جهت مذکوریه سالف العرض خیانتندن ناشی عزل اولنان بکره توجیهی لازم کلوب کلمدیکنه دائر واقع اولان استفتایه جوابدر .

§ حادثهده خیاتی ثابت اولان متولینک بعدالعزل صلاح حلی تحقیق ایتدیکی تقدیرده واقف آندنصکره تولیق کیمه شرط ایتدیسسه شرط واقف موجبجه آنک متولی اولسی لازم کلیر .
۱۲ رجب ۳۳۷

* *

اوقاف نظارت جلیله سندن ۱۴ رجب ۳۳۷ تاریخنده فتواخانهیه بالورود جوامع شریفهده نمازذن اول سورة كهف وسورة طه قرائت ایتدیرلسنه دائر واقع اولان استفتایه جوابدر .
§ جوامع ومساجد شریفهده كرك نمازذن اول و كرك صكره سورة كهف وطه و یاخود سورقرآنیه دن برشی تلاوت مشروع اولور .
۲۴ شعبان ۳۳۷

* *

دفتر خاقانی امانتندن ۲۲ مایس ۳۳۵ تاریخنده فتواخانهیه بالورود زوج غائب عهدمه سنده کی املاکک برای نفقه زوجه طرفندن بیعنه محکمه شرعیه دن اذن محقق صادر اولدیفی معموره العزیز

ولایتی دفتر خاقانی شعبه سندن اشعار و ایجابی استفسار اولمشدر غائب اولان زوجنک املاکئی نفقه ایچون بیع ایتمک اوزره زوجیه حاکم الشرعک امر واجازه ویرمسى جائز اولوب اولمادیغنه دائر واقع اولان استفتایه جوابدر .

§ غائب اولان زوجنک املاکئی نفقه ایچون بیع ایتمک اوزره زوجیه حاکم الشرع اذن ویره من . ۱۸ رمضان ۳۳۷

*

دارالحکمة الاسلامیه ریاستندن ۲۹ شوال ۳۳۷ تاریخنده فتواخانیه بالورود پیغمبر فیشان صلی الله تعالی علیه وسلم حضرتلرینه تفوهاتده بولنان شخصی لازم کلان جواب شرعینک بیاننه دائر واقع اولان استفتایه جوابدر .

§ شخص مرقومک سیدالانبیاء علیه افضل الصلوات وازکی التحایا اقدمن حضرتلرینه العباد بالله سبب ایتدیکی حضور شرعده متحقق اولدینی صورتده حداً قتلی واجب اولمغله دائره مشارالیه اعاده قلندی . ۲۳ ذی القعدة ۳۳۷

*

تدقیق مؤلفات شرعیه ومصاحف شریفه مجلسندن ۴ جمادی الاول ۳۳۸ تاریخنده فتواخانیه بالورود . سنین وفیره دنبری مجلسمزده تراکم ایدوب غیر قابل استفاده برحاله بولنان اجزاء قرانیه نك مساع شرعیسی اوزرینه احساسی لزوم تحتنه کیرمش اولدیفندن بونلرک صورت و کیفیت احساسی حقنده کی فتوای شریفک اشعارینه دائر اولان استفتایه جوابدر . § غیر قابل استفاده برحاله بولنان مصاحف واجزای شریفه موتی کبی پاک بر بر دروننه وضع اولنهرق باصلهایه جق تمیز بریره دفن اولنه جفنک بیانیه مجلس مذکوره اعاده قلندی . ۹ جمادی الاول ۳۳۸

*

اوقاف نظارت جلیله سندن ۱۰ جمادی الاول ۳۳۸ تاریخنده فتواخانیه بالورود . بکربکنده تکیه میداننده مرحوم محمد امین افندینک احیا کرده سی اولان جامع شریفه وضع ایدیلان مشیخت جهتی حقنده مساع شرعی اولوب اولمادیغنه دائر واقع اولان استفتایه جوابدر . § من القدیم جامع شریف اولان محله جهت مشیخت احداثه مساع شرعی یوقدر . ۲۷ جمادی الاولى ۳۳۸

**

اوقاف نظارت جلیله سندن ۲۹ ذی القعدة تاريخنده فتواخانه يه بالورود . بك اوغلنده
كائن متروك مقابر مسلمينك صورت اداره سنه دائر مقام نظارتجه تنظيم اولنان رساله نك
تدقيقى وجواب اعطاسنك استرحامى حاوى تذكره نظارته جوابدر .

§ مذکور رساله ده موضوع قاسم پاشا مقبره قديمه سندن الدهه قالان قسمنك بعض اسبابدنطولاي
استبدال يا خود استغلالى حقنده ضرورت مسيحه نك تحقق ايتديكى بيان ايدلمكده ايسه ده
كنديسنده عناصر غير مسلميه هاند مقابر محافظه ايدلديكى مشهود اولان اشبو مركز
خلافت ومقر سلطنت اسلاميه ده باشلرند . اميرالمومنين حضرتلى بولندينى حالده بالعموم
اهالى مسلمنه نك محافظه سيله مكلف اولدقلى مذکور مقبره نك امر محافظه سنى اشكال ايدن
اسباب مذكوره صور سائر ممكنه ايله رفع وازاله ايديلهرك قسم متباقينك محافظه سى قابل
بولندينى امور ظاهره دن اولمغله اده اولنان ضرورت مسيحه نك تحققى جاي تردد وشايعان
تأمله در بناء عليه احكام مقابر متعاقي و هائيه بك موافق اولان مشايخ حنفيه نك اقوال
راجحه لرينه مستنداً مشايخ اسلاميه نك اصدار بيوردقلى فتاواي ترك ايدوبده اصول
مسائلدن حكم حادثه يى استنباط وتجزيه ورساله نك محتويات سائره سى حقنده فضله مطالعه
فقيهه بيانسه محل اولندينى معروضدر .

۲۸ جمادى الاول ۳۳۸

قره مان مفتيلكندن ۱۷ جمادى الاخر ۳۳۸ تاريخنده فتواخانه يه بالورود زيد زوجه مدخول
بهاسى اولان هنده عمره وارماق شرطيله اوچ طلاق بندن بوش اول شايد عمرو مرقوم
ايله ازدواج ايدمك اولورسه ك حق زوجيم باقى اولمق اوزره تطليق ايتدم ديسه عمروك
هند مزبوره يى آلوب آله ميه جغه دائر واقع اولان استفتايه جوابدر .

§ مآله نظراً شرط مذکور لغو اولمغله هند زيددن اوچ طلاق بوش وبعد انقضاء العده
نفسنى ديله ديكي كيمسيه تزويجه قادر اولور .

۸ رجب ۳۳۸

ماچقه قضاسى مفتيلكندن ۲ رجب ۳۳۸ تاريخنده فتواخانه يه بالورود مشاعا انتقال
ايدن اراضيده حق قرارك ثابت اولوب اوليه جغه دائر واقع اولان استفتايه جوابدر .

§ مآله نظراً بر تار لایه مشاعاً متصرف بولنانلردن برینک مجردا و نسنه مستقلاً تصرفی
حق قراری مستلزم اولماز .
۲۷ رجب ۱۳۳۸

* *

قرق کلیسا الواسی قاضیلکندن ۲ جمادی الاخر ۱۳۳۸ تاریخنده بالورود مستثنا اوقافدن غازی
میخال و سلیمان و علی بککر اوقاف شریفه لرینک تولیتلری ابناسنه و بعد الانقراض اصلح
عتقالرینه و ابناء عتقالرینه مشروطه اولوب بعد انقراض الکل امیر المسلمین طرفندن سنوی
مقدار معین و یریلان پاره نك صله قیلندن اولوب اولمدیغنه دائر واقع اولان استفتایه جوابدره
§ بیوردی عالی صورتنک مآله نظراً مبالغ مذکوره صله قیلندن دکدر .

۲۷ رجب ۱۳۳۸

